

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Meditationum evangelicarum pars tertia, hoc est:
Tractatio evangeliorum tam dominicalium, quam
festivalium, ad recte se sub variis tentationum generibus
gerendum, disposita**

Creide, Hartmann

Francofurti ad Moenum, 1682

De tertio

[urn:nbn:de:bsz:31-126133](#)

eis benedictio Dei copiosa, quoad corpus & animam, Sir. 3. v.3. seqq.

Sicut igitur obsequentes liberos larga remuneratio manet: sic contra maledictio immortigeros prosequitur, quod vel unicum Absolonis exemplum satis probat, 2. Sam. 18. v.9. seqq.

Optima & largissima remuneratio sequetur die novissimo: ubi illos Deus longitudine dierum replebit, Psal. 91. v.16. ubi in perpetuâ sanitate ut palma virebunt, etiam in senectute frugiferi erunt, germinabunt, & virebunt, Psal. 92. v.13.15.

De Tertio.

Restat Cautela, cujus tres sunt Regulae, quarum

I. *Dies festos celebra.* Id parentes Christi fecerunt. Ibant enim omnes annos in Hierusalem. Ad hoc soli virti obstricti fuerunt, ut constat ex Exod. 23. v.12. Deut. 16. v.16. Quod verò Maria quoque cum puerulo suo duodecenni se comitem Josepho adjungit, id devotioni ejus adscribendum est, quam in visitatione cultus divini ostendit. Nos hinc exemplum capiamus, ut antè omnia queramus Regnum Dei & justitiam ejus, & iuxta promissionem Christi, cætera omnia adjicientur nobis, Matth. 6. v.33.

Quamvis enim ad Judæorum solemnitates obstricti non simus, in N. Test. atamen Ecclesia alia Festa ordinavit, quæ salvâ conscientia negligere non possumus, sed debitâ devotione celebrare tenemur.

In locum Judaici Sabbathi successit dies Dominicæ, quem Apostoli ex liber-

tate Christianâ illi substituerunt, quia eo ipso Servator ex mortuis surrexit, unde etiam ἡμέρα κυριακὴ appellatur, Apoc. 1. v.20.

Loco Judaicorum festorum solennium, nos tria alia nunc celebramus, nempe Festum incarnationis, Paschatos, & Pentecostes. Festum Incarnationis gratiâ Dei præterit: reliqua duo suo tempore sequentur: quæ quidem nihil aliud sunt, quam anniversariæ commonefactiones beneficiorum, quæ nobis Deus per incarnationem, passionem, mortem, & resurrectionem Filii sui parta, ex gratia exhibet & donat. Imprimis, ubi in Festo Pentecostes Spiritum sanctum promissum specie visibili super Apostolos effudit, Actor. 2. v. 4. qui adhuc hodie habitat in cordibus fidelium, 1. Cor. 3. v.16. & adjuvat infirmitatem eorum, Rom. 8. v.26. Ne sub cruce desperemus, sed bonam militemus militiam, habentes fidem & bonam conscientiam, 1. Tim. 1. v.19. & tandem finem fidei reportemus, salutem animarum, 1. Petr. 1. v.9.

His adjuncta sunt Festa Apostolorum, quæ non ideo celebramus in Ecclesiis A. C. ut honore divino eos maectemus, qui honoris soli Christo debetur, sed ut meminerimus Præpositorum nostrorum, qui nobis locuti sunt verbum Dei, quorum intuentes exitum conversationis, imitemur fidem, Hebr. 13. v.7.

Sicut igitur parentes Christi longo illo itinere non absterriti, quotannis Paschatos Festum Hierosolymis inviserunt, & cultui divino à principio usque ad finem interfuerunt: Ita & nos Dominicâ die, aliisque diebus festis nihil aliud agamus,

i

sed

sed transeamus cum catervâ , & ambulemus ad domum Dei , in voce exultationis & confessionis , & cum sono festivitatis , Psal. 42. v.5.

Judæis magnâ cum molestiâ iter facendum fuit , aliis quinque , aliis decem , aliis viginti milliarium , siquidem hic de parentibus Christi audimus , quod Nazarethâ Hierosolymam sedecim , vel ut alii volunt , viginti milliaria profecti sint . Alii longius adhuc dissipati fuerunt , siquidem in Festo Pentecostes , Hierosolymis , Parthos , & Medos , & Elemitas , & qui habitant Mesopotamiam , Judæam , & Cappadociam , Pontum & Asiam , Phrygiam & Pamphyliam , Ægyptum & partes Lybiae , quæ est circa Cyrenem , & Romanos , Cretes & Arabes , adfuisse legimus , Act. 2.v.9.10.

Nostantis sumtibus & molestiis superedere possumus , qui præ foribus & in propinquuo habemus , quod ad salutem nobis necessarium est . Ecur igitur tâm socordes sumus , ut eandem negligamus ? O dilecti ! unum est necessarium , Luc. 10. v.42. Nempè pietas infucata . Oremus igitur cum Davide : In unicum hoc dirige cor meum , ut timeat nomen tuum , Psal. 86. v.11.

Judæi septem diebus continuis Festa sua celebrare tenebantur . Nos quoque compendio utentes , biduo vel triduo ea absolvimus : Et tamen multi ex præpostera negligentia cultui divino vacare nolunt ; quin sapè non expectatâ benedictione è templo se subducunt , ut non immerito illis applies illud Davidis ; Dilexit maledictionem , & veniet ei ; & noluit be-

neditiōnem , & elongabitur ab eo , Psal. 109. v.18.

Judæi sumtuosa Sacrificia de bobus , ovibus , vitulis , arietibus , capris , vino , oleo , similâj , ejusque generis aliis afferre tenebantur , in genere vèrò nemini vacuo apparere licuit : sed unumquemque offerre oportebat , secundum quod habebat , juxta benedictionem Domini DEI sui , quam dederat ei , Deut. 16. v.17.

Nobis sumtibus & Sacrificiis hisce minus opus est : interim manet hoc morale , quod hilarem datorem diligit D E U S , Hebr. 9. v.7. Tob. 4.v.9. idèò cò promptius ad Dei cultum properemus , simus populus spontaneus , in decore sancto , Psal. 110. v.3.1. Sam. 2.v.30.

II. Jesulum amissum recuperâ . Hic Josephum & Mariam Jesulum amissum tandem querere audimus , donec inveniant eum .

Hæc imago Ecclesiae est . Sæpè fit , ut Christus amittatur ; neque enim loco , populo , aut personâ certæ adstrictus est , sed quisquis timet eum , & operatur justitiam , acceptus est ei , Act. 10.v.35.

Opus proinde est , ut illi , qui Christum adhuc habent , operam dent , quò retinent eum , orantes cum Ambrosio : Da Domine , ut sic te possideamus , ut nunquam amittamus . Et cum discipulis Emaunticis : Mane nobiscum , quoniam advesperascat , & inclinata est jam dies ; Luc. 24. v.29.

Quiverò ipsum amiserunt , vel apparterer , uti David , qui in trepidatione suâ dixit : Projectus sum à facie oculorum tuorum , Psal. 31. v.23. velverè per varia pec-

peccata & flagitia , ut Publicanus, Luc.18.
v.13. vestigia ejus obseruent oportet , do-
nec inveniant , quem diligit anima sua,
Cant. 2. v. 4.

In prælectâ Pericope ostenduntur nobis
1. *Vestigia pœnitentia*. Joseph enim &
Maria quæsiverunt Christum ὁδονάποι.
Ita nos cum Publicano peccatum percutiamus,
Luc.18.v.13. cum Petro amarè fleamus,
Marth. 26. v. 75. cum Hiskia sicut
grus , & hirundo garriamus, Esa. 38. v.14.
Talis tristitia , quæ secundum Deum est,
pœnitentiam in salutem , cuius neminem
pœnitentia operatur, 2. Cor.7.v.10. Pſal. 51.
v. 19.

2. *Vestigia confidentia*. Parentes mœsti
non dubitant , quin Jesulum suum reper-
turi sint , quæ spes etiam non decollavit.
Ita etiam illi , qui fraude Satanae in delicto
aliquo præoccupati sunt, Gal. 6. v.1. fidu-
ciam suam non abjiciant, Hebr.2. v.13. sed
nitantur juramento Dei , quâ contestatus
est , se nolle mortem peccatoris, Ezech.33.
v.11. idè bona spe fecit filios suos , de-
ditque locum pœnitentia , Sapient. 12.
v.19. exemplo sit peritus filius , Luc. 15.
v.20.

3. *Vestigia nova obedientia*. Jesulus enim
repertus est in iis , quæ Patris sui sunt , quin
& descendit cum eis Nazareth , fuitque
parentibus suis subditus.

Hoc necessariò pœnitentiam sequi de-
bet, 1. Joh 2. v.6. Christi nomen & impia
vita non concordant. Discedat ab omni
iniquitate is , qui nominat nomen Domini,
2. Tim.2.19.

Qui hoc modo Christum querit , & ve-
stigia ejus investigat , is non frustra queret:
sed inveniet eum , quem diligit anima sua,

Cant.2.v.4. Deut. 4.v.29. Qui vero hunc
Dominum invenit , invenit thesaurum to-
to mundo pretiosiorem , ut Bernardus ait ,
& cum Assaph dicere potest: Quid mihi
est in cœlo ? Pſal. 73.v.25.

III. *Parentibus obtempera*. De Jesu di-
citur , quod fuerit subditus parentibus.
Id adhuc hodie liberi imitentur: Filii obe-
dite parentibus vestris in Domino : hoc
enim justum est, Eph. 6.v.2.3.

Jesulus obedientiam suam probavit

1. *Reverenter*. Modestè enim responderet
matri objurganti: Nesciebatis , quia in his ,
quæ Patris mei sunt , oportet me esse? Ha-
bebat enim Patrem superiorem in cœlis ,
qui eum ad evangelizandum afflictis mi-
serat, Esa. 61.v.1.

Discite hinc , quomodo & vos , ô filii ,
parentes vestros debitâ reverentia profe-
quamini , sicut Isaac , Gen.22.v.7. Salomo ,
1. Reg.2.v.20.

Hoc decorum est. Quodsi enim in ge-
nere honore nos invicem prævenire debe-
mus , Röm.12. v.10. quanto magis liberi
parentes , quos Deus illis præ aliis ad hono-
randum proposuit , juxta quartum præce-
ptum , Eph.6. v. 2.

2. *Decenter*. Jesulus non invitus cum
matre sua Nazareth descendit. Ita simili-
liter liberi parentibus debitam obedien-
tiā præstent necesse est , ne pœnam
DEI temporalem & æternam incur-
rant: Oculum qui subsannat patrem ,
& qui contemnit obedire matri suæ , ef-
fodient eum corvi in torrentibus , Prov.
30. v.17.

3. *Patienter*. Puerulus JESUS parenti-

i 2 bus

bus suis subditus fuit. Hoc est, operam suam in re familiaris, ubicunque potuit, iis fideliter præstítit. Imprimis vero Patti suo putativo diligenter inserviisse eum, consentaneum est, quia non modo à conterraneis suis filius fabri, Matth. 3. v. 55. sed & faber appellatur. Marc. 6. v. 3.

Ita adhuc hodie laudabile est, si liberi labori se dedant: ita enim in maturâ ætate honestè se alere possunt: Ubi contra multam malitiam docet otiositas, Sir. 33. v. 29. & egestatem & pauperiem patit, Prov. 6. v. 11.

Dirigat nos DEUS in viis rectis,
Amen!

DOMINICA II. POST EPIPHANIAM.

Evangelium Joh. 2. v. I. - II.

EXORDIUM.

Postquam Deus Opt. Max. Aaroni & filii ejus certum salarium constituerat, quid de Sacrificiis, Levandis atque Anathemate habere deberent, tandem ita concludit: Hoc p. &um salis est æternum coram Domino, Num. 18. v. 19. sic & de David memoratur, quod Deus ipsi & filii ejus, Regnum super Israel dederit, in pactum salis, 2. Chron. 13. v. 5.

Hoc peculiare genus loquendi est, & adhibetur de ejusmodi pacto, quod nunquam desiturn: sed semper in vigore suo incorruptè conservandum est. Quemadmodum enim sal hæc virtute prædictus est, ut carnes sine putredine conserveret; Ita Deus hoc ipso Aaronom & Davidem certiorum redere voluit, quod omnia, quæ illis promiserit, sancte & incorruptè servaturus esset. Dona enim DEI

sunt æternae, Roman. 11. vers. 29.

Quando pactum conjugale spectamus, quod inter maritum & uxorem contrahitur, & per manum Ecclesiæ ministri confirmatur, illud non absurdè pactum salis vocati potest. Amicus enim & sodalis in tempore convenientes, & super utrosque mulier cum viro, Sir. 41. v. 23. hi per vitam suā cohabitare, & multa modia salis comedere tenentur in prosperis & adversis, nil nisi morte ipsos tandem dirimente, Matth. 19. v. 6.

Sicut igitur sal acreidine pollet, & tamen cibos sapidos reddit, carnemque à putredine conservat: Ita pii conjuges in hoc salis pacto ita cohabitare debent, ut amorem nunquam corrupti, sive putrefacti sinant: sed sale gratiæ & modestiæ verba & opera sua semper condiant, Col. 4. vers. 6. Ita ut yiri secundum scientiam coha-